

Na temelju člana 27. Statuta ASOCIJACIJE IZVOĐAČA I SVIRAČA, Skupština ASOCIJACIJE IZVOĐAČA I SVIRAČA na 18. sjednici održanoj dana 25.05.2026. godine u Tuzli donosi:

## **STATUTARNU ODLUKU O IZMJENAMA I DOPUNAMA STATUTA ASOCIJACIJE IZVOĐAČA I SVIRAČA**

### Član 1.

Ovom Statutarnom odlukom mijenja se Statut ASOCIJACIJE IZVOĐAČA I SVIRAČA broj: S-1/2020 od 16.01.2020. godine (u daljnjem tekstu: Statut).

### Član 2.

Član 2. Statuta mijenja se tako da isti glasi:

*„(I) U skladu s članom 12. ZUF BiH te članom 10. stav 2 pod a) i članom 16. ZKOP-a ovim Statutom uređuje se:*

- naziv, skraćeni naziv i sjedište Udruženja;*
- ciljevi i djelatnosti Udruženja;*
- postupak za primanje i isključivanje članova, vrste članstva i prava vezana s njima;*
- Ugovor o isključivom prenosu muzičkih izvođačkih prava;*
- ostvarivanje izvođačkih prava;*
- organe Udruženja, način na koji se biraju, ovlaštenja koja imaju, a posebno njihove nadležnosti za obavljanje poslova kolektivne organizacije iz člana 2. stav 1. ZKOP-a, kvorum i pravila glasanja, trajanje mandata, lica ovlaštena da sazovu Skupštinu, uslove i način raspuštanja, odnosno prestanka skupštine;*
- Stručna služba Udruženja, njene nadležnosti i obaveze, te Direktor Stručne službe Udruženja i njegove/njene nadležnosti i obaveze;*
- Predsjednik Udruženja, njegove/njene nadležnosti i obaveze;*
- pravila za ostvarivanje, korištenje i raspolaganje sredstvima Udruženja, kao i organ ovlašten za nadzor nad korištenjem tih sredstava;*
- javnost rada;*
- način podnošenja finansijskog izvještaja i izvještaja o radu;*
- postupak za izmjenу i dopunu Statuta i donošenje drugih opštih akata;*
- opis, oblik i sadržaj pečata i znaka Udruženja;*
- zastupanje Udruženja;*
- uslovi i postupak spajanja i podjele, odnosno prestanak rada Udruženja;*

- postupak za raspolaganje preostalom imovinom i drugim sredstvima u slučaju raspuštanja ili prestanka rada Udruženja i
- druga pitanja od značaja za organizaciju i djelovanje Udruženja.“.

*(II) U skladu s članom 7. stav 2. i članom 21. stav 3. ZKOP-a ovim Statutom uređuje se:*

- način i obim upotrebe sredstava za kulturne namjene, kao i za unapređenje penzionog, zdravstvenog i socijalnog statusa članova Udruženja i
- osnovni principi i pravila raspodjele prihoda Udruženja kao kolektivne organizacije.“.

### Član 3.

Član 4. stav 4. Statuta mijenja se i glasi:

*„(IV) Sjedište Udruženja je na adresi: Ul. Dr. Mustafe Pintola 23, 71210 Ilidža, Bosna i Hercegovina.“.*

### Član 4.

Član 5. stav 1. Statuta mijenja se i glasi:

*„(I) Udruženje ima pečat okruglog oblika, promjera 30 mm, na čijem gornjem rubu je ispisan tekst punog naziva Udruženja na bosanskom jeziku, latiničnim i ćiriličnim pismom: “ASOCIJACIJA IZVOĐAČA I SVIRAČA, АСОЦИЈАЦИЈА ИЗВОЂАЧА И СВИРАЧА”. U donjem dijelu pečata je upisano sjedište Udruženja: Sarajevo, a u sredini pečata se nalazi znak Udruženja.“.*

### Član 5.

Član 10. stav 1. Statuta mijenja se i glasi:

*„ (I) Redovnim članovima Udruženja mogu postati fizičke osobe koje su državljani Bosne i Hercegovine, stranci koji imaju boravište u Bosni i Hercegovini i koji imaju status izvođača muzičkih djela u skladu sa važećim zakonskim odredbama kojima se regulišu autorska i srodna prava, kao i pravne osobe koje su u Bosni i Hercegovini registrirane i koji potpisivanjem pristupnice i Ugovora o isključivom prenosu muzičkih izvođačkih prava povjere kolektivno ostvarivanje svojih izvođačkih prava Udruženju i time prihvataju Statut Udruženja.“*

### Član 6.

Član 11. Statuta mijenja se i glasi:

*„(I) Prava redovnih članova Udruženja su:*

- članstvo u Skupštini Udruženja ima pravo glasa na sjednicama Skupštine;

- *da u skladu sa kriterijumima predviđenim ovim Statutom biraju članove ostalih organa Udruženja i da u njih budu birani;*
- *da daju prijedloge, mišljenja i sugestije;*
- *da prate rad Udruženja i pokreću inicijative za rješavanje pitanja od interesa za Udruženje i muzičke izvođače/nosioce izvođačkih prava;*
- *da budu redovno informirani o radu i rezultatima rada Udruženja;*
- *da u zaštiti svojih prava ostvaruju pomoć Udruženja.“*

#### Član 7.

Član 17. stav 1. Statuta mijenja se i glasi:

*„(I) Redovno članstvo u Udruženju prestaje:*

- *dobrovoljnim istupanjem;*
- *isključenjem;*
- *istekom Ugovora o isključivom prenosu izvođačkih muzičkih prava, ako isti nije produžen;*
- *protekom trajanja izvođačkog muzičkog prava;*
- *smrću.“*

#### Član 8.

Član 18. stav 1. Statuta mijenja se i glasi:

*„(I) Pridruženo članstvo u Udruženju prestaje:*

- *dobrovoljnim istupanjem;*
- *isključenjem;*
- *istekom Ugovora o isključivom prenosu izvođačkih muzičkih prava, ako isti nije produžen;*
- *protekom trajanja izvođačkog muzičkog prava;*
- *smrću, odnosno prestankom pravnog lica.“*

#### Član 9.

Član 26. stav 3. Statuta mijenja se i glasi:

*„(III) Glasanje na zasjedanju Skupštine je javno, izuzev ukoliko članovi Skupštine većinom glasova prisutnih članova na samoj sjednici ne utvrde tajno glasanje.“*

#### Član 10.

Član 26. stav 10. Statuta mijenja se i glasi:

*„(X) Zapisnik potpisuje predsjednik Skupštine i zapisničar.“*

## Član 11.

Član 27. stav 1. Statuta mijenja se i glasi:

*„(I) Skupština, između ostalog:*

- donosi Statut, izmjene i dopune Statuta i druga opća akta Udruženja propisana Statutom;*
- odlučuje o spajanju, podjeli i prestanku rada, kao i o drugim statusnim promjenama Udruženja;*
- usvaja godišnji program i plan rada Udruženja;*
- donosi i usvaja finansijski plan Udruženja za narednu godinu, koji uključuje plan troškova poslovanja, godišnji plan raspodjele ubranih naknada u skladu sa principima i pravilima raspodjele prihoda Udruženja;*
- usvaja izvještaj o izvršenju finansijskog plana Udruženja;*
- razmatra i usvaja izvještaje koje je pripremio Upravni odbor i Nadzorni odbor, te Stručna služba Udruženja (u daljem tekstu: Stručna služba);*
- odlučuje o visini i načinu plaćanja članarine;*
- imenuje i razrješava članove Upravnog odbora i Nadzornog odbora i detaljnije određuje kriterije za njihovo imenovanje;*
- imenuje i razrješava Predsjednika Skupštine i zamjenika Predsjednika Skupštine;*
- rješava po žalbama članova Udruženja, u drugom stepenu;*
- donosi odluku o promjeni naziva i sjedišta Udruženja;*
- donosi Poslovnik o radu Skupštine;*
- odlučuje o svim drugim pitanjima koja nisu u nadležnosti drugih organa Udruženja;*
- donosi i usvaja odluke o odbicima od ubranih naknada za kulturne i socijalne namjene do limita propisanog zakonom;*
- razmatra i usvaja izvještaj o raspodjeli izvođačkih naknada;*
- potvrđuje opšte akte Udruženja, koje donose njeni ostali organi;*
- potvrđuje odluku o dodjeli nagrada i priznanja, koju predlaže Upravni odbor;*
- potvrđuje visinu administrativnih troškova Udruženja na prijedlog Upravnog odbora;*
- povjerava obavljanje određenih poslova Stručnoj službi;*
- daje mišljenje o revizorskim izvještajima. „*

## Član 12.

Član 28. stav 5. Statuta mijenja se i glasi:

*„(V) Upravnim odborom rukovodi i predsjedava Predsjednik Upravnog odbora, koji se bira na konstituirajućoj sjednici Upravnog odbora većinom glasova prisutnih članova na mandat od 4 (četiri) godine. Upravni odbor bira i Potpredsjednika Upravnog odbora na isti mandat, koji vrši njegove nadležnosti u slučaju odsustva Predsjednika Upravnog odbora.“*

### Član 13.

Član 28. stav 8. Statuta koji glasi „Predsjednik i Potpredsjednik Udruženja mogu biti i u radnom odnosu u Udruženju“, se briše.

### Član 14.

Član 30. stav 4. Statuta mijenja se i glasi:

*„(IV) Upravni odbor donosi odluke natpolovičnom većinom svih članova Upravnog odbora.“.*

### Član 15.

Član 31. stav 1. Statuta mijenja se i glasi:

*„(I) Upravni odbor ima sljedeće nadležnosti:*

- priprema i predlaže nacrt Statuta, njegove izmjene i dopune i priprema drugih akata Udruženja, koje donosi Skupština;*
- provodi utvrđenu politiku, zaključke i druge odluke koje je donijela Skupština;*
- upravlja imovinom Udruženja;*
- utvrđuje i predlaže finansijski plan za ostvarivanje, korištenje i raspolaganje sredstvima Udruženja, koji donosi Skupština;*
- daje prijedloge, mišljenja i inicijative za ostvarivanje ciljeva i djelatnosti Udruženja;*
- podnosi godišnji i periodični izvještaj o svom radu Skupštini na razmatranje i usvajanje;*
- obrazuje komisije, odbore i stručne timove radi racionalnije i efikasnije realizacije postavljenih ciljeva i djelatnosti Udruženja;*
- utvrđuje godišnji i polugodišnji obračun o izvršenju plana prihoda i rashoda Udruženja;*
- poduzima mjere i aktivnosti na ostvarivanju programa rada Udruženja;*
- utvrđuje opšte obračune izvođačkih naknada;*
- donosi odluku o sklapanju ugovora sa drugim organizacijama za ostvarivanje autorskih i srodnih prava, uz prethodnu saglasnost Skupštine;*
- priprema analize, informacije i druge materijale za Skupštinu;*
- predlaže provedbu finansijskog plana rada Udruženja;*
- rješava žalbe i druge podneske (zahtjeve, predstavke i sl.) članova Udruženja u prvom stepenu;*
- odlučuje o izboru Direktora Stručne službe Udruženja (u daljem tekstu: Direktor Stručne službe) i nadzire njegov rad;*
- donosi odluku o organizaciji i zadacima Stručne službe;*
- obavlja nadzor nad radom Stručne službe;*
- obavlja i druge poslove u skladu sa zakonom i ovim Statutom ili ukoliko to odredi Skupština;*

- *određuje koje se informacije smatraju poslovnom tajnom Udruženja;*
- *angažuje odgovarajuća stručna lica za obavljanje određenih poslova za Udruženje;*
- *daje inicijativu za prestanak rada Udruženja;*
- *donosi odluku o načinu raspodjele sredstava iz Fonda za kulturne i socijalne namjene;*
- *zahtijeva zasijedanje Skupštine i sam saziva Skupštinu u Statutu predviđenom slučaju;*
- *predlaže donošenje odluke Skupštini o dodjeli nagrada i priznanja;*
- *razmatra i usvaja izvještaje Nadzornog odbora;*
- *donosi Poslovnik o radu Upravnog odbora;*
- *donosi opšte akte Udruženja, koje potvrđuje Skupština;*
- *potvrđuje predloženi obračun izvođačkih naknada koji predloži Stručna služba;*
- *utvrđuje dinamiku isplate izvođačkih naknada i*
- *bira Predsjednika i Potpredsjednika Udruženja između članova Upravnog odbora koje je imenovala Skupština.“.*

#### Član 16.

Član 32. stav 2. Statuta mijenja se i glasi:

„(II) *Nadležnosti Nadzornog odbora su da:*

- *nadzire zakonitost rada Udruženja i usklađenost vršenja djelatnosti Udruženja sa odredbama ovog Statuta, ZUF BiH, ZKOP-a i ZASP-a;*
- *nadzire primjenu Statuta i opštih akata Udruženja;*
- *nadzire finansijsko poslovanje Udruženja i posebno upozorava na nepravilan rad organa Udruženja, na propuste u primjeni odredaba Statuta, te na nezakonito i nenamjensko trošenje sredstava Udruženja;*
- *priprema godišnji izvještaj o nadzoru rada Udruženja u segmentu iznosa naplaćenih naknada, njihove raspodjele, poslovanja kolektivne organizacije, izvršavanja kolektivnih ugovora i izvršavanja ugovora zaključenih sa stranim kolektivnim organizacijama i podnosi ga Skupštini i dostavlja na znanje Upravnom odboru;*
- *Vrši nadzor i kontrole obračuna i raspodjele izvođačkih naknada, u skladu sa članom 64. Statuta stav (II).*
- *daje mišljenje u pogledu izvještaja revizorske kuće o izvršenoj kontroli finansijsko-računovodstvene dokumentacije, zajedno s nalazom ovlaštenog revizora o pravilnosti i usklađenosti poslovanja Udruženja s odredbama ZKOP-a, aktima Udruženja i zaključenim ugovorima;*
- *po potrebi angažuje stručno lice za reviziju finansijskog poslovanja, te druga stručna lica u cilju uspješnog obavljanja svoje nadležnosti.“.*

## Član 17.

Član 32. stav 3. Statuta mijenja se i glasi:

*„(III) Svi organi i stručne službe Udruženja dužni su Nadzornom odboru dostaviti tražene podatke, omogućiti uvid u cjelokupnu dokumentaciju i druge podatke koje zatraži, te izvijestiti o tome šta je učinjeno u vezi sa nalazima i prijedlozima Nadzornog odbora. Finansijska dokumentacija o poslovanju i sva dokumentacija u vezi obračuna izvođačkih naknada stavlja se Nadzornom odboru isključivo na uvid u sjedištu Udruženja“.*

## Član 18.

Član 33. stav 7. Statuta mijenja se i glasi:

*„(VII) Rad Nadzornog odbora može biti detaljnije definisan Poslovníkom o radu Nadzornog odbora, koji donosi Nadzorni odbor.“.*

## Član 19.

Član 34. stav 3. Statuta mijenja se i glasi:

*„(III) Stručnu službu čine lica zaposlena u Udruženju, koja posjeduju stručne kvalifikacije potrebne za obavljanje stručnih i administrativno-tehničkih poslova kolektivnog ostvarivanja prava. Najmanje 1 (jedno) lice u Stručnoj službi mora biti u radnom odnosu na neodređeno vrijeme.“.*

## Član 20.

Član 34. stav 7. Statuta mijenja se i glasi:

*„(VII) Radni odnosi, prava, dužnosti i odgovornosti zaposlenih u Stručnoj službi uređuju se ugovorima o radu.“.*

## Član 21.

Član 35. stav 2. Statuta mijenja se i glasi:

*„(II) Direktor Stručne službe je lice koje je zaposleno u Udruženju, posjeduje VSS. O izboru Direktora Stručne službe odlučuje Upravni odbor.“.*

## Član 22.

Član 43. stav 6. Statuta mijenja se i glasi:

*„(VI) Izvođačka naknada se raspodjeljuje članovima kroz klase raspodjele.“.*

## Član 23.

Član 43. stav 9. Statuta mijenja se i glasi:

*„(IX) Naknade za prava izvođača muzičkih djela 2. A (Generalni korisnici), 4. Internet i ostali servisi, raspodjeljuju se po principu pretpostavljenog korištenja, gdje će se pretpostaviti, da je i u tim slučajevima procenat korištenja jednak onom procentu utvrđenom na osnovu dostupnih programskih podataka iz prethodnog stava ovog člana.*

*3. Prava na naknadu za reproduciranje za privatno i drugo vlastito korištenje raspodijelit će se u skladu sa zasebnim Pravilnikom o raspodjeli, gdje će se pretpostaviti, da je i u tim slučajevima procenat korištenja jednak onom procentu utvrđenom na osnovu dostupnih programskih podataka iz klasa 1. A) (Radio emitovanje), 1. B) (Televizijsko emitovanje).“*

#### Član 24.

Član 43. stav 10. Statuta mijenja se i glasi:

*„(X) Naknade za prava izvođača muzičkih djela klase 2. B) (Koncerti i priredbe) raspodjeljuju se prema prikupljenim programskim podacima koje naznačava organizator. Naknade za prava izvođača muzičkih djela 1. C (Kablovski operateri) raspodijelit će se po principu pretpostavljenog korištenja i na osnovu dostupnih programskih podataka iz klasa 1. A) (Radio emitovanje), 1. B) (Televizijsko emitovanje).“ Način bodovanja programskih podataka iz reparticijskih klasa 1.A i 1.B uređeno je Pravilnikom o raspodjeli, kao i način raspodjele sredstava reparticijskih klasa 2., 3. i 4.“.*

#### Član 25.

Član 43. stav 11. Statuta mijenja se i glasi:

*„(XI) Raspodjela izvođačkih naknada se vrši po reparticijskim klasama najmanje jednom godišnje, do 30. juna, a najkasnije devet mjeseci od kraja finansijske godine, od ukupno ostvarenog neto prihoda u prethodnoj godini.“.*

#### Član 26.

Član 47. stav 1. Statuta mijenja se i glasi:

*„(I) Od ukupno prikupljenih iznosa izvođačkih naknada Udruženje može izdvojiti maksimalno do 10 % (deset) od neto prihoda za kulturna i socijalna davanja, u skladu sa odlukom Upravnog odbora i međunarodnim ugovorima.“.*

#### Član 27.

Član 61. stav 2. Statuta mijenja se i glasi:

*„(II) Odluku o otvaranju ureda i drugih organizacionih oblika donosi Upravni odbor.“.*

#### Član 28.



Ove izmjene i dopune Statuta stupaju na snagu danom donošenja.

Sarajevo, 25.05. 2026. godine  
Broj: SK 18S/26

Miroslav Janjanin, Predsjednik Skupštine

---